

Buyuk keljakni birga quramiz!

BUXORO YOSHLARI

2020-YIL, OKTABR,
№ 19-20
(439-440)

IJTIMOIY-SIYOSIY, MA'NAVII-MA'RIFIY, ADABIY-BADIY GAZETA
2001-yil fevral oyidan chiqa boshlagan BUXORO-YOSHLARI.UZ @BY_GAZETASI



Қоракўл

ҲАЛҚАРО МАТЕМАТИКА МАКТАБИННИГ ЯНГИ БИНОСИ УЧУН — 50 МИЛЛИАРД

Ўзбекистонда ягона бўлган Қоракўлдаги ҳалқаро математика мактабининг шахсий ўкув биноси йўқлиги сабаб Президент топшириғига кўра, ҳалқаро мактабга бино қуриб бериши учун 50 миллиард сўм ажратилган ва бугунги кунда

курилиш ишлари 85 фоизга якунланган.

Ҳалқаро олимпиада мактаби директори Темур Рўзиевнинг мъёйумот беришича, мактаб фаолиятига 10 йил тўлган.

“Мактабимиз шу давр мобайнида ҳатто ўз биносига ҳам эга эмасди. Шу сабаб Президентимиз топшириғига кўра, бизга 720 ўринли янги мактаб қуриб берилмоқда. Янги бинода 320 ўринли ётоқхонадан ташқари

50 ўринли меҳмонхона ҳам мавжуд бўлади”, — дейди мактаб директори. Таъкидланишича, айни кунда мактабда 460 нафар ўқувчи таҳсил олади. 2020 йилги кириш имтиҳонларида мактабнинг 48 нафар битирувчисининг барчаси ОТМ алмасига айланган.

“Хар йили 90 нафар ўқувчи қабул қиласиз. Ўқитувчилариз Давлат тест маркази томонидан тузилган тестларни ечиб, натижага қараб ўқишига қабул қилинади”, — дейди Темур Рўзиев.

Мактаб директорининг қўшимча қилишича, ушбу таълим даргоҳида фаолият юритувчи ўқитувчилар 8 миллион сўмгача маош олади. Мактаб директори эса 6-6,5 миллион сўм маошга фаолият юритади.

Эслатиб ўтамиз, Президент Шавкат Мирзиёев ўқитувчи ва мураббийлар байрамига бағишлиган табригига “Қоракўл

мактаби биз учун замонавий мактабнинг ҳақиқий андоғаси эмасми? Нима учун Ҳалқ таълими вазирлиги унинг ноёб таҳқибасини етарлича оммалаштирмаётпи? Нима учун бошқа мактаб директорлари бу таълим даргоҳидан ибрат олмаятпи?

(Давоми 2-саҳифада)



Бугун жамиятда қонун устивор, Сарҳадлари тинчу осуда диёр, Ёшларин сафи кенг, бекам, баҳтиёр, Ўзбекистоним, мағрур овозим, Келажагингга масъулман ўзим!

Нигоҳимиз кучdir, сўзимиз ўткир, Ният ягонадир, мақсадимиз бир, Йўлнимиз ёритган сен борсан ахир, Ўзбекистоним, мағрур овозим, Келажагингга масъулман ўзим!

Бухорода Ҳиндистон университети филиали очилади



Ўзбекистоннинг Ҳиндистондаги элчихонаси томонидан Бухоро вилояти ҳокимлиги ва Ҳиндистоннинг Ражастон штатидаги Жайпур Манипал университети ўртасида онлайн мулоқот ташкил этилди.

Унда Жайпур Манипал университети халқаро ҳамкорлик бошқармаси бошлиғи Аҳмад Шарма Бухоро вилоятида университетнинг бўлими очиш, ўқитувчилар малакасини ошириш ва ўзаро талаба алмасиш дастурлари доирасида яқин ҳамкорликни йўлга кўйишига тайёрлигини қайд этди.

Шу билан бирга, ҳинд томони музокараларни давом эттириш мақсадида Манипал университети раҳбарияти, ўқитувчилари, талабалари ва Ражастон штати тадбиркорларидан иборат гурӯҳ билан пандемия билан боғлиқ чекловлар юмшатилганидан кейин Бухорога ташриф буюриш истагини билдири.

Жайпур Манипал университети Манипал университетлари гурӯҳи (Ҳиндистон) таркибида 2011 йилда ташкил этилган ва ҳозирги кунда ушбу олий таълим муассасасида мұхандислик, архитектура, соғлиқи сақлаш, ахборот технологиялари, менежмент, тикорат, дизайнерлик, тасвирий санъат, меҳмонхона хизматлари, журналистика ва оммавий коммуникациялар, ҳуқуқшунослик ва гуманитар фанлар йўналишларида юқори малакали мутахassisлар тайёрламоқда.

“ОБУНА – 2021” “BUXORO YOSHLARI” — СИЗ БИЛАН!



- Қаёқса кетаяпсан?
- Газетага обуна бўлишга!
- Э-з, газетага обуна бўлиш сенга керакми, ҳозир ҳеч ким ҳеч кимни обуна бўлишга мажбурлолмайди.
- Қўйсанг-чи, дўстим, бу гапларни, мени ҳеч ким мажбурлаётгани йўқ. Газетанинг афзалликларини уни ўқигач, биласан!
- Қайси газетага обуна бўлмоқчисан, ўзи?!
- “Buxoro yoshlari”га!
- Сенга газета ёқадими?
- Жудаям. Мен бир вақтнинг ўзида ҳам газета, ҳам фаол ва ташаббускор тенгдошларим ҳақида маълумотга эга бўла оламан!
- Ростданми, унда мен ҳам сен билан?
- Биз “Buxoro yoshlari” газетасига обуна бўлдик! Сиз-чи?!

Газетамизни www.buxoro-yoshlari.uz сайтни ҳамда @by_gazetas телеграмм канали орқали ҳам кузатиб боринг!

ҲУРМАТЛИ ГАЗЕТХОНЛАР!

Ўзбекистон ёшлар иттифоқи вилоят Кенгаши “Обуна-2021” мавсуми бошланганини инобатга олиб, барчани “Buxoro yoshlari” газетасига обуна бўлишга чорлайди.

Ўзбекистон ёшлар ишлари агентлиги Бухоро вилояти бўлими ҳамда Ёшлар иттифоқининг вилоят, туман, шаҳар Кенгашлари, турли таълим муассасалари ҳамда корхона, ташкилот бошланғич ташкилотлари орқали обуна мавсумини уюшқоқлик билан ўтказайлик!

ГАЗЕТАНИНГ БИР ЙИЛЛИК ОБУНА БАҲОСИ:

**ТАҲРИРИЯТ ОРҚАЛИ – 100 000 СҮМНИ
ТАШКИЛ ЭТАДИ.**

“Ўзбекистон почтаси” ОАЖ Бухоро филиали, вилоят “Матбуот тарқатувчи” шўъба корхонаси ва бошқа қатор обуначи ташкилотлар орқали – **135 000** сўмни;

Обуна нақд пул, пул кўчириш орқали амалга оширилади.

Нашр индекси: 3051

“Buxoro yoshlari” Сиз билан!

Гулистонда Сирдарё-Қоракўл халқаро мактаб-интернати очилди

Таълим

БИЗДА: ЁШЛАР ОРАСИДА ИШСИЗЛИК НЕЧА ФОИЗ?

Бухоро вилоятида

113,2 минг аҳоли иш билан банд бўлмаган, фаол иш қидибуви бор. Ишсизлик

даражаси 13
фоиз. **33,9** минг нафар ёшлар ишга жойлаштиришга муҳтож. Ёшлар орасида ишсизлик

даражаси 15,2
фоизни ташкил этмоқда.

Халқ депутатлари Бухоро вилояти Кенгашининг ёшлар сиёсати ва соғлом авлодни тарбиялаш масалалари бўйича доимий комиссиясининг навбатдаги йиғилишида шу хақида сўз борди.

Йиғилиши комиссия раиси, 46 - "Сармижон" сайлов округидан халқ депутатлари вилоят кенгашига Ўзбекистон Либерал Демократик партиясидан сайдланган депутат Бобомурод Очилов олиб борди.

- Жорий йилнинг 9 ойида меҳнат органлари томонидан 18,1 минг нафар ёшларга хизмат кўрсатиди. Хусусан, 7,1 минг нафар ёшлар доимий иш жойларига жойлаштирилди. 0,9 минг ёшлар касбга ўқитилди. 1,3 минг ёшлар ишсизлик



нафақаси билан таъминланди. 1,5 мингга яқин ёшларга меҳнат бандлик масалалари бўйича ҳуқуқий маслаҳат хизматлари кўрсатиди. 7,3 мингдан ортиқ ёшлар ҳақ тўланадиган жамоат ишларига жалб этилди. Уларнинг иш ҳақи тўлови учун Жамоат ишларни жамғармасидан 5,6 миллиард сўмдан ортиқ маблаг молиялаштирилди, - деди вилоят Бандлик бош бошқармаси бошлиғи Анвар Ҳамроев.

Комиссия йиғилишида ёшлар бандлигини таъминлаш масалалари бўйича амалга оширилган ишлар ҳолати, уларнинг маънавиятини юксалтириш ва бўш вақтни мазмунли ташкил этиш бўйича 5 та муҳим ташаббус доирасида Бухоро давлат тиббиёт институти ҳамда Тошкент ирригация ва қишлоқ ҳўжалигини механизациялаштириш муҳандислари институти Бухоро филиалида амалга оширилаётган ишлар юзасидан мутасаддиларнинг ҳисоботи ҳам ўқиб ёшишилди.

АҚШ элчихонаси гранти бухоролик ўқитувчиларда



Билим ва педагогик маҳорат эгалари мазкур элчихона ҳомийлигида ташкил қилинган "The American English (AE) A-Teacher Program" дастурининг Мериленд Университети томонидан ташкил этилган 8 хафталик "TECOL Metodologiy2 йўналишидаги онлайн малака ошириш курсларини муваффақиятли яқунлаб, Сертификат билан тақдирланишиди. Эътиборлиси шундаки,

Бухоро давлат университетининг хорижий тиллар факультети инглиз тилшунослиги кафедраси катта ўқитувчилари, филология йўналишида фалсафа докторлари Мехринисо Раҳматова ҳамда Мадина Шукурвалар Америка Кўшма Штатларининг республикамиздаги элчихонаси томонидан эълон қилинган грант соҳиби бўлганликлари педагогик жамоанинг навбатдаги ютиғи, албатта.

Билим ва педагогик маҳорат эгалари мазкур элчихона ҳомийлигида ташкил қилинган "The American English (AE) A-Teacher Program" дастурининг Мериленд Университети томонидан ташкил этилган 8 хафталик "TECOL Metodologiy2 йўналишидаги онлайн малака ошириш курсларини муваффақиятли яқунлаб, Сертификат билан тақдирланишиди. Эътиборлиси шундаки,

Халқаро математика мактабининг янги биноси учун — 50 миллиард

(Бошланиши 1-саҳифада)

Халқ таълими вазири Шерзод Шерматов нега уч ийлдан бўён бу жиддий масалага етарлича эътибор бермаялти?" Афсуски, ҳаммамиз "Олдингдан оқсан сувнинг қадри йўқ", - деб бепарво бўлиб юрибмиз.

Газета саҳифаланаётганда: Сирдарё вилояти, Гулистон туманида Ўзбекистонда ягона бўлган Қоракўлдаги халқаро математика мактаби билан ҳамкорликда Сирдарё-Қоракўл мактаб-интернати очилди.

“Соғлом ҳаёт сари қадам”



Коровулбозор туман ҳокими ўринбосари Шавкат Раҳмоновнинг хабар беришича, туманда "Соғлом ҳаёт сари қадам" шиори остида лойиҳа ташкил этилди.

Бунда тумандаги корхона, ташкилот ва муассасалардан келган 500дан ортиқ аҳоли ва ёшлар иштирок этган. Эрталаб соат 07:00 дан 08:00 га қадар туман Ёшлар маркази биносидан "Нефтчи" маданият саройигача бўлган масофада кечган югуриш бўйича марафон барчада кўтарики кайфият улашиди.

- Айни пандемия даврида бу каби лойиҳаларни соғинган эканмиз. Бу, албатта, аҳоли орасида соғлом турмуш тарзини ташкил этиши, қасалланиш дараҷасини пасайтириш шу жумладан, юрак хасталигини камайтириш, аҳолининг жисмоний фаоллигини оширишга ҳисса қўшади, - деди иштирокчилардан бири Нигина Сафоева.

Уйма-уй юриб...

Ўзбекистон Республикаси Президенти раислигига жорий йилнинг 8 октябрь куни жамиятда аёллар ва ёшларнинг ролини ошириш ҳамда бандлигини таъминлаш чора-тадбирлари муҳокамаси юзасидан видеоселектор ўтказилган эди. Бунда, барча маҳалла, туман, шаҳар ва вилоят кесимида "Ёшлар дафтари" ва "Аёллар дафтари"ни тузишга кўрсатма берилди.

Ушбу дафтарлар рўйхатига киритиладиган фуқароларни аниқлаш ҳамда уларни кўллаб-куватлаш бўйича амалга ошириладиган ишлар механизми ишлаб чиқилди. Унга кўра, ёшлар ташкилотлари вакиллари, ишчи гурухлар масъул



ходимлари уйма-уй юриб, ижтимоий, ҳуқуқий, психологоқ кўллаб-куватлашга, билим ва қасб ўрганишга эҳтиёжи ва иштиёки бор бўлган ишсиз ёшлар ва хотин-қизларни аниқлаиди.

Белгиланган вазифаларни амалга ошириш юзасидан худди шундай йиғилишлардан бири Когон туманида ўтказилди. Унда вилоят ҳокимининг ёшлар сиёсати, ижтимоий ривожлантариш ва маънавий-маърифий ишлар бўйича ўринбосари Мирали Ҳамроев, Махалла ва оиласи кўллаб-куватлаш вазирлигининг ижтимоий ҳимояга муҳтож оиласалар билан ишлаш бошқармаси бош мутахассиси Нозима Комилова, Ўзбекистон Республикаси ёшлар ишлари агентлиги вазирлик идора ва ташкилотлар билан ишлаш бўлими бошлиғи Шерзод Шарипов, мутасадди корхона ҳамда ташкилот раҳбарлари, маҳалла фуқаролар йиғинлари раиси ва ўринбосарлари иштирок этиди.

Йиғилишда ҳар бир маҳалла кесимида вилоят ҳамда шаҳар корхона ташкилотларидан ходимлар биринкитирилиб, ишчи гурухлар тузилди. Маълумотларни умумлаштириб, мувофиқлаштириб бориш учун штаб раҳбари тайинланди. Махалла кесимида шакллантирилган ишчи гурухлар таркиби ўқиб ёшишилди. Масъулларга ишни самарали ташкил этиб, саволномаларни сифатли тўлдириш бўйича кўрсатмалар берилди.

Сарвиноз Дониёрова,
Бухоро туман ХТБ услубшуноси.

Бекат

"Танка"сиз, ҳеч кимнинг ёрдамисиз Олийгоҳ талабалари сафидан жой олдим.

ПУЛИНГ БҮЛСА,

Бугун тонгда қўнгироқ бўлди. "Синглим, эртага Олийгоҳнинг биринчи курс талабалари билан учрашув, тўғрироғи, юзма-юз танишув бўлади. Сабоқларнинг қай тартибда олиб борилиши бўйича тушунча берилади. Карантин қоидаларига амал қилган ҳолда никобда соат 08:00 да етиб келинг", -деди бир аёл ўқитувчи ўзини танишитирар экан ёқимли овозда.

Кўнглим тоғдек кўтарилиди. Чунки мен ҳам талабаман. Шу орзуимга ўтган йил ҳам эришишим мумкин эди. Афсуски, ўзимнинг соддалигим, фўрлигим панд берганди.

Университет дарвозасидан кирад эканман, кўз олдимдан ўтган йилда тест имтихонлар давридаги воқеалар кўз олдидан бир-бир ўтди.

Мактабни тугатибок, шахарга отландим. Бир неча кун шаҳарлик қариндошларимизни кутиби, тестларга тайёрлана бошладим. Жуда ҳаяжонли кунлар эди, ўшанда. Тест бошланишига беш-олти кун қолганди, бир хушчақча йигит билан танишиб қолдим. У ўзини шу даргоҳда ўқитувчи эканлигини, хоҳласам, мени ҳеч қийинчилексиз ўқишга киритиб қўйиши мумкинлигини айтди. "Ия, ҳозирги даврда таниши биллишиш ўқишга кириб бўлмайди, дейишти-ку?" - дедим. "Сиздай қиз учун имкон топамиш, йўли бор!" - деба сирли кўз қисиб қўйган йигитга, негадир, ишонгим келди. Менга ўзи худди шундай "танка" керак эди.

Буни ота-онамга ҳам билдирдим. Улар ҳам хурсанд бўлишиди. Йигитнинг олдига келиб, у билан "нархи"ни гаплашишиди. Топган "хомий"им жуда сахий чиқиб қолди. Мени ва ота-онамни бир пиёла чойга ҳам таклиф қилди. Рад этмадик. "Бошқа абитаурентларга нисбатан 4-5 баробар "арzon" туширдим сизларга", -деди йигит хушкайфият билан менга қараб-қараб кўяр экан.

Йигит исми-шарифини ёзиб, отамнинг қўлига тутқазди. Телефон рақамини сўраганимизда, телефoni

бузилгани, айни пайтда телефон ишлатмаётгани, аммо, соатини келишсак, қаерда бўлса ҳам уларнинг қаршисида "қушдай учиб етиб келишини" билдириди. Шундай бўлди ҳам. Йигит олийгоҳ ховлисида соя-салқин тўшаб турган дарахтлар остидаги ўриндиқлардан бирда ҳар куни мендан олдин келиб, кутиб турарди. Ҳазиломуз гаплар билан кўнглимни кўтарар, ора-орада менинг ёқимтой ва жозабали қиз эканлигимни ҳам кўшиб кўяди. Ҳижолат чеканимда, дабдурустдан севгисини изҳор қилиб қўя қолди. "Ўқишига киришингиз масаласини ҳал қилсанак, кейин олийгоҳни тугатгунингизча, қўлингизни қўйиб юбормайман!", -деди ва бирордан сўнг, -ота-онангиз "келишув"ни тезроқ ҳал қилсалар бўлди", -деба кўшиб кўйди.

Белгиланган кунгача ота-онам топган-тутганини йигиб, етмаганига қарз-у ҳавола қилиб, бундан ташқари, ўринлатиб қўйилган бозор-ўчарни ҳам Олийгоҳ рўпарасидаги ёшлар хиёбонига олиб келишиди. Ёш домла ота-онамга ўз мамнуниятини қайта-қайта билдириди. Сўнгра, "келишув"ни олганча, бизни етаклаб, олийгоҳга кирди. У олийгоҳнинг ҳали у, ҳали бу эшигига кириб чиқар, кимларнидир кутарди, гўё.

Орадан, чамаси, бир соатларча ўтди. Бизни иккинчи қаватда қолдириб, ўзи учинчи қаватга тезда бориб, хабар олиб келишини айтиб, "келишув"ни кўлтиқлаганча,

чиқиб кетди. Ҳаял ўтмай, чехраси ёришиб, олдимизга қайтиди. "Табриклайман, иш "пиши", ҳаммаси "беш" бўлди", -деди ва қўлтиқлаб чиқкан сумкасидан юз минг сўм чиқарди: "Домла инсофли экан, оз бўлсаям, шуни яна "мижоз"ларнинг ўзига қайтаришимни сўради", -деди у.

Ота-онам ҳам бу саҳоватли йигитга ишониб, кўнгли тўқ бўлиб, қишлоққа қайтишиди.

...Ёш домланинг таклифи билан у айтган шаҳардаги меҳмонхоналардан бирига бордим. У мени меҳмонхона каршисида кутиб олди ва ўз хонасига олиб чиқди. Қанақадир ҳужжатларни тўлдириган бўлдим. У ўзи ҳақида ҳеч кимга лом-мим демаслигимни, тилимга эҳтиёт бўлишимни, йўқса, "иш"нинг пачавасини чиқариб юборишими таъкидлари.

...Ва сўзининг охира мени севиб қолгани учун кўйидан келганча ёрдам бераётганини билдириди. Сўнгра қўлимдаги ҳужжатларни олиб, мен билан ёртага - тест синовлари куни Олийгоҳ дарвозаси олдида қиришишимизни айтди. Йигит билан хайрлашдим.

Тест имтиҳонларидан чиқдиму атрофга алангладим. Ёш домла кўринмасди. Эртасига, индинига келдим... ҳамон ёш домладан дарак йўқ. Меҳмонхонага боришга эса хижолат чекдим. Орадан бир неча кун ўтгач, тест имтиҳонлари натижаси эълон Аммо...

қилинадиган бўлди. Афсуски... жавоблар варакасида менинг номим талабалар қаторида қайд этилмаганди.

Вужудим титраб, кўзларимга ўш тўлди. Қаттиқ ҳаяжонлантанимдан, хўнграб йиғлаб юбордим. Кўзларимга ҳеч қандай кўркув кўринмай, ўш домла билан кўришганин - меҳмонхона сари ошиқдим. Ўзини менга таниширган йигит бир неча кун ушбу меҳмонхонада тунагани, унинг ҳеч қандай ўқитувчи эмаслигига анилник киритдим. Меҳмонхона менежерининг айтишича, у йигит кечагина, тўғрироғи, тест имтиҳонлари куни "от-увови"ни йиғишириб жўнаб қолган экан.

Бу гапдан хабар топган ота-онам кўп озор чекди. Қариндошлар йигитни излаб топиб, ишини судга оширишимизни маслаҳат беришиди. Аммо ота-онам кексайганин чоғида судма-суд юришни ўзига эп кўрмади. "Емоннинг жазосини Худо берсин!" -дейишиди.

Тонг саҳарда тест-имтиҳонлари сари ошиқар эканман, кўнглим бир олам орзулар қанотида учётгандек эди. Бир томондан ўш домланинг менга қилаётган ёрдами, иккинчи томондан севги изҳори...

...Ёш домла билан Олийгоҳ дарвозаси олдида рўпарў келдим. Ҳаяжонимни яширишга ҳаракат қилдим. Аммо...

- Ўзингизни қўлга олинг! Сизга омад ёр бўлсин, гўзал қиз-у бу сўзларни шунчалик ишонч билан сўзладики, унга ўзим билмаган ҳолда ним табассум ҳадя этганимни сезмай қолибман...

...Тест имтиҳонларини топширайман-у, хаёлларим чувалашиб кетган. Ҳатто, оддийгина саволлар ҳам тушунарсиз, аллақандай қийиндек сезилди. Аммо, орқамда ўш домладек "танка"м борлигига ишонардим.

Шу йил эса ота-онамдан минг хижолат билан яна бир мартағина ўзимни синаб кўришимни сўрадим. Йўқ, дейишмади. Хўрсинағина омад тилашди. Яхши ният билан дуо қилишиди.

Аллоҳнинг қарамини қарангки, ҳеч қандай "танка"сиз, ҳеч кимнинг ёрдамисиз Олийгоҳ талабалари сафидан жой олдим. Демак, ҳамма нарса билимга ва иқтидорга боғлиқ эканлиги рост экан.

Азиз уқажонлар, сингилжонлар!

Сиз ҳам бугун орзулар оламидаиз! Фақат ўзингизга ва билимингизга ишонинг! Қайсики, "Пулинг бўлса, чангилда шўрва" деган нақл ҳар доим ҳа ўзлигини намойиш этавермас экан.

Нодон ва номардлардан эҳтиёт бўлинг!

**Талаба опангиз
Мулкижаҳон Бону**

Кўнгил тубидаги битиклар

гни мажбур қилиш.

- Бахт нима?

- Дунёкараши бир хил кишиларнинг бирга яшashi ва ишлаган жойингда сени тан олишлари.

- Қарара-қаршилик?

- Сени сезмайди, деб

ёнгинангда туриб, сени мазах қиласиган кишиларга кўзингни кўр, қулоғингни кар қилиб яшаш. Лекин, сабрнинг ҳам сабри бор, бир кун тугайди.

- Кўниши?

- Йиғлашинг керак бўлган

нарсага кулиб қараш. Кулишинг керак бўлган нарсага йиғлаш. Бўлмаса, сени янчиб ташлайдилар.

- Андиша?

- Бирорнавар назарида - кўрқиш, бирорнавар назарида - ичга ютиш!

- Мутелик?

- Ўзинг хоҳламаган овқатни ейишдек гап. Бирорнава қарар бўлиб яшаш, яни бир кишини иккинчи киши томонидан эзилиши, эрксизлик. Бу, аслида, мурасасизлик учун қилинади.

Гулчеҳра Болтаева

- **Хаёт нима?**
- Оловлар ичидаги яшаш ва унга кўниши.
- **Тақдир нима?**
- Кишиларнинг бир-бiriiga берган инъоми.
- **Бардош нима?**
- Хоҳламаган ишларга ўзин-

и сўраганимизда, телефoni

Биргалик, бир-бирига яқинлик, ҳамкор-у ҳамжихатлик ҳар икки ташкилотта куч, ҳаракат бағишилаб турувчи мустаҳкам мезондир. Бизнинг ҳақиқатимиз ана шунда!

Шукух

“МАҚСАД БҮЛСА, ҚАДАМ БОСИШДАН ҚЎРҚМАСЛИК КЕРАК!”



Шерзод Тилавов Бешимович – Ўзбекистон ёшлар иттифоқи Бухоро вилояти Кенгаши раиси:

- Ўзбекистон ёшлари агентлиги ўз фаолиятини бошлагач, ёшлар иттифоқи ходимлари “ўз-ўзидан кўчада қолади” деган ноўрин ишоралар, мана, ортда қолди. Ваҳоланки, ёшлар ҳаётида ҳар бир ташкилотнинг ўрни, мавқеи бор. Тўғри, илгари ёшлар иттифоқи вилоят, туман ва шаҳар Кенгаши таркибида 90 нафарга яқин ходим фаолият юритган бўлса, айни пайтда улар сони

бор-йўғи, 20 дан зиёд. Ишдаги унум эса ходимлар сонининг кам ёки кўплиги билан эмас, кўрсатиладиган натижа билан баҳоланади. Айтиш мумкинки, ёшлар ташкилоти тизимида ишлаб келган бирорта ходим ишсиз қолмади, бугун вилоятда иш излаб юрган “иттифоқ” ходими йўқ. Қуонарлиси, ёшлар ишлари агентлиги туман, шаҳар бўлимлари, турли бошланғич ташкилотлар, шунингдек, нуғузли корхона,

ташкилотлар ёшлар иттифоқи этишитирган муносиб кадрлар билан таъминланди. Мазкур ёшлар ташкилотининг ютуғи ҳам шунда.

Биргалик, бир-бирига яқинлик, ҳамкор-у ҳамжихатлик ҳар икки ташкилотта куч, ҳаракат бағишилаб турувчи мустаҳкам мезондир.

Бизнинг ҳақиқатимиз ана шунда!

Демак, ҳаракатдан, мақсад сари интилишдан тўхтамайлик. Зеро, “Мақсад бўлса, қадам босишидан қўрқмаслик керак!”

Ўзбекистон ёшлар иттифоқи Бухоро вилояти, туман, шаҳар Кенгашига қўйидагилар тайинланди:



Собиров Анвар Аскар ўғли
– Ўзбекистон ёшлар иттифоқи Бухоро шаҳар Кенгаши раиси. Ҳаётдаги шиори: “Инкор” эшиги ёпишгандан чўчиманг, кейнги бекат “Ишонч!”




Бозоров Бобуржон Аҳматович - Когон шаҳар Кенгаши раиси. Ҳаётдаги шиори: “Камолот чўйкиси ва маънавий комилликка етакловчи ҳамроҳ- бу, аввало, ўзинг!”



Камолов Шоҳруҳ Шавкатович – Бухоро туман Кенгаши раиси. Ҳаётдаги шиори: “Доимо олға қадам бос!”



Қайимов Умиджон Исомиддинович – Вобкент туман Кенгаши раиси. Ҳаётдаги шиори: “Куч-ғайрат инсон танаси бўлғи, фақат у ишга солинсангина чинакам кучга айланади”



Шодиев Шерзод Авазович – Жондор туман Кенгаши раиси. Ҳаётдаги шиори: “Ўзгаларни ишонтириш учун аввал ўзингга ишон!”



Мардонов Шавкат Субҳонович – Когон туман Кенгаши раиси. Ҳаётдаги шиори: “Ҳақиқий истеъодони шароит эмас, тинимсиз меҳнат юксалтиради. Шу меҳнат пойдевори бўл!”



Бозоров Улуғбек Шуҳратович – Олот туман Кенгаши раиси. Ҳаётдаги шиори: “Қийинчиликларга тўла ҳаёт йўлининг охирида, албатта, баҳт бўлади!”



Сафарова Мухлиса Элмуродовна – Пешкў туман Кенгаши раиси. Ҳаётдаги шиори: “Ҳаётда ҳеч нарса ўз-ўзидан бўлмайди. Ҳар бир одим ортида ҳаракат бор”



Исломов Шахриёр Шарифович – Ромитан туман Кенгаши раиси. Ҳаётдаги шиори: “Ҳамиша ярагил ҳалқ хизматига. Безак бўл, олам-у одам зотига”



Рўзиев Дилшод Акрамжонович – Қоракўл туман Кенгаши раиси. Ҳаётдаги шиори: “Мақсад сари олға юр ва ҳеч қачон ортга чекинма!”



Бақоев Камолиддин Сабриддинович – Қоруволбозор туман Кенгаши раиси. Ҳаётдаги шиори: “Билим олмасдан мақсадга эришиш — бу тайёр ошга ҳамтовоқ бўлиш, дегани. Ҳар сонида билимга кўчоқ оч!”



Қўндиев Миржалол Дилкушо ўғли – Шоғиркон туман Кенгаши раиси. Ҳаётдаги шиори: “Дилба ёру дастба кор”



Аҳмедов Олибён Уйғун ўғли – Фиждувон туман Кенгаши раиси. Ҳаётдаги шиори: “Мақсадга эришиш учун инсон қатъиятни ўзига дўст билиши керак!”



ҲАР ИШГА МАСЬУЛИЯТ БИЛАН...

Суҳроб Нуров, Ўзбекистон ёшлари агентлиги вилоят бўлинмаси раҳбари ўринбосари. Ҳаётдаги шиори: “Қулоқ — иккита, оғиз — битта. Бас, икки марта эшитиб, бир марта сўзла”

Ёшлар агентлигининг олдида турган асосий вазифалардан бири - ёшларга оид ягона давлат сиёсатини юритиш ҳамда амалга оширилаётган ижтимоий-иқтисодий ислогохларга мувоғиқ узоқ муддатга мўлжалланган дастурларни ишлаб чиқиш, ёшлар билан боғлиқ амалга оширилаётган давлат дастурлари ҳамда лойиҳаларнинг самарали ижро этили-

ши мониторингини юритишдан иборат. Шунингдек, фуқаролик жамиятини барпо этиш жараёнларида ёшлар ролини ошириш бўйича тизимли ишларни ташкил этиш белгиланган.

Хозирда давлат органлари ва ташкилотлари раҳбарларига ёшлар тўғрисидаги конун ҳужжатларининг бузилиши, уларни келтириб чиқарувчи сабаб ва шароитларни бартараф этиш бўйича кўриб чиқилиши

мажбурий бўлган тақдимномалар киритиш ҳамда Нодавлат нотижорат ташкилотлар томонидан ёшларга оид муаммоли масалалар, шу жумладан, уларни ҳал этиш бўйича ишлаб чиқилган таклифларни ўрганиш ва таҳлиллар асосида тегишли муаммоларни бартараф этиш белгиланмоқда.

Демак, ҳар бир ишга масъулиятни киритиш ҳамда мушкнишни ёндошишимиз керак!

Мулоҳаза

Газета тарбия қороли ҳамдир. Газеталар омма орасида саводлилик илдиз отишига хизмат қилади.

ГАЗЕТАЛАР

Ривожланган давлатларда манаман, деган амалдорлар ҳар куни тонгги газетани ўқиш билан нонушта қилишларини кўп эшитганимиз. Бу, албатта, ўзи яшаётган давлатнинг янгиликларидан хабардор бўлиш билан бирга, ўзига хос ҳурмат, маданият ва маърифатдан ҳам далолатдир. Бизда эса ўзи ўқимагани етмаганидек, газетага мажбурий обуна мумкин эмас, деб ўзи севган нашрга обуна бўлган ҳодимларини ишдан бўшатган амалдорлар ҳам бор.



ЎЛМАГАН,

хеч қачон ўлмайди ...

Тўғри, одамлар ҳозир матбуотдан, газета-журналлардан кўра кўпроқ, турли интернет тармоқларига тобе бўлиб, унинг чангалига тушиб қолди. Тафаккуримизни ўтмаслаштираётган ана шу интернет ёлғонлари матбуотдан кўпчиликни узоқлаштироқда.

Мафкура майдонига қадам босишига қудрати, билими, савияси етмаётган айrim раҳбарлар мажбурий обуна деган иборага ёпишиб олишиди. Газета ва журналларга обуна қилмаслик учун барча "хунар"ларини ишга соглан қанча амалдорлар республикамида чоп этилаётган баъзи нашрларни ўқиш ўз ёқда турсин, ҳатто номини ҳам билмайдиган даражага етди.

Газета ўқимасак, журнал ўқимасак, китоб ўқимасак, телевизор кўриш ва интернет "ковлаш" билан ойни забт этмоқчи бўлаётганигимиз кулгули эмасми?

Тўғри, бугун ахборот асрида яшяяпмиз, ахборот технологияларидан фойдаланиб бутун олам бизники, - деб жар солаяпмиз. Аммо тараққиётнинг бу қадар илгарилаши сўзнинг қадрими бунчалик туширмаслиги, ерга урмаслиги керак эди.

Бундан ташқари, ахборот технологияларининг тараққий этиши мана-ман деган ривожланган давлатларда босма оммавий ахборот воситаларига бўлган талаб ва эҳтиёжга заррача путур етказгани йўқлигидан хабардормиз. Америкадек қудратли давлат, Хитой деган ахборот коммуникация технологиялари ишлаб чиқариш ва кўллашда бутун дунё бозорини эгаллаган мамлакат, Германия, Франция, Англия ёки бошқа йирик давлатларнинг машҳур газеталари ҳамон яшаётганигиги ва оламшумул нусхада чоп этилаётганигидан хабардормисиз?

Босма оммавий ахборот воситалари нафақат ахборот тарқатувчи восита, балки маърифат тарқатувчи манба, тарбия ва мафкура қороли эканлигини ҳам яна бир карга эслатиб ўтмоқчимиз. Ва энг муҳими, газетанинг саводли саҳифалари саводсизликдан қутқаришга ёрдам берадётганигина инкор этолмаймиз. Бу эса давлат, жамият ва миллат мафкурасига дахлдор муҳим масала эканлигини тан олиш керак.

Барчамиз "Табият — бизнинг умумий ўйимиз!" деган машҳур иборани кўп ишлатамиз. Биз журналистлар учун эса, газета-босма оммавий ахборот воситалари умумий ўйимиз, қадрдан ўйимиз, деган кўнгилга яқин иборани қадрлаган бўлардик. Республикализнинг қайси бурчагида бўлишидан қатъи назар мамлакатимиз пойттахтида чиқаётган машҳур газеталар бўладими ёки олис худудларнинг туман ёки шаҳар газетаси бўладими, ловуллаб чўйдек бўлиб чиқиб турса, унинг саҳифаларидан дилимизга яқин сўзларни топсан, кўнглимиз ташна бўлиб турган сарлавҳаси-ю, таскини сўзлари билан дардимизга малҳам бўлиб турса, юрагимиз



тўлқинланиши аниқ. Чунки бу барчамизнинг юзимиз, кўзимиз.

Айниқса, газеталар ўрнини интернет эгаллади, деган иддаоларга қарши қурол бўлиб қўлимида байроқ бўладиган бу нашрлар маърифатпарвар вужудларни титратиши аниқ. Кечагина бир-бира гўёки рақобатчилик, ўзгача кўз билан қараган, бир-бира га тош отган нашрлар бугун бир-бира интифада қўлониши, маърифат тантанаси, тафаккурнинг ва эзгуликнинг тозалигидан далолатдир. Чунки, бирлашганлар ҳамиша юксак чўққиларни забт этишини англаш ҳам катта гап. Бугун "Янги Ўзбекистон", "Китоб дунёси", "Ишонч", "Хуррият" газеталарини ўқиб руҳимизни, маънавиятимизни, маърифатимизни, тафаккуримизни тинниқлаштираётганимиз, миллатимиз фурурини керак бўлса, бутун дунёга кўз-кўз килаётганимиздан хурсандмиз.

Бирорвга чоҳ қазсанг, ўзинг

тушасан, деган мақолни яхши биламиз. Газеталарни ўлимга маҳкум қилмоқчи бўлганларнинг аксариати матбуотни ва юқоридаги нақлини тушунмаслиги одамга жуда алам қиласи.

Газета тарбия қороли ҳамдир. Газеталар омма орасида саводлилик илдиз отишига хизмат қиласи. Айrim ижтимоий тармоқлар каби саводсизликни тарғиб қилмайди. Ўзбек адабий тили меъёларини сақлаб қолишида ҳам матбуотнинг ўрни катта.

Тўғри, газеталар ҳақида гап кетгудек бўлса, бизга кўп таъна қилишади: Ҳақиқатни ёзсанглар, газеталарнинг одамлар ўзи излаб топадигу, дейишади. Тан оламиз, матбуотнинг мавқенини кўтарадиган энг катта мезон — ҳақиқат ва адолат! Ҳақиқат эса жуда аччик ва жуда қиммат! У кимгadir ёқса, кимгadir ёқмаслиги аниқ... Газета саҳифаларида таънидий материаллар кўпроқ ёритилса, газетанинг харидори кўп бўлади, деган таъналарни

ҳам эшитамиз. Газеталарда ёритилган таънидий материал учун журналистни муҳокама қилиш, судга бериш ўрнига, кўлини осмонга узатса етадиган "қаҳрамон"лар мақолани ёзишига мажбур қилган муаммони тузатиш чораларини кўрсалар, қанийди.

Яқинда адабиётшунос олим Иброҳим Ҳаққуловнинг "Ҳақиқатнинг юки жуда оғир. Ҳақиқатни гапирадиган одамнинг кафани елкасида бўлиши керак!" деган ажойиб сухбатларини эшитиб, тан бердим. Дарҳақиқат, ҳақиқатнинг юки ҳам, бадали ҳам оғирилгини тан оладиган бўлсан, ҳақиқат яловбардори бўлган газеталарнинг елкасида қанчалик оғир юк ва катта масъулият борлигини таъкидлашга ҳоҳат борми?

Синовлардан ўтган неча-неча даврларда ҳам мафкуранинг тили, кўли ва оғири матбуот эди... ва шундай бўлиб қолиши керак. Хуллас, матбуотга садақа эмас, МЕХР керак!

Маруса ҲОСИЛОВА

Босма оммавий ахборот воситалари нафақат ахборот тарқатувчи восита, балки маърифат тарқатувчи манба, тарбия ва мафкура қороли эканлигини ҳам яна бир карра эслатиб ўтмоқчимиз. Ва энг муҳими, газетанинг саводли саҳифалари саводсизликдан қутқаришга ёрдам берадётганигина инкор этолмаймиз.



ОНА ТИЛИМ!

Кошгариининг "Девон"идан,
Яссавийнинг Ҳикматидан,
Машрабларнинг кўшиғидан-
Унган тилим - Она тилим!

Навоийнинг бўстонида,
Бобурларнинг мактубида,
Нодиралар ташбехида -
Тинган тилим - Она тилим!

Ўткан кунда Қодирийлар,
Кечакундуз Чўлпон йигилар,
Юлдузим, деб Фитратинг ҳам-
Кўйган тилим - Она тилим!

Ойбегимнинг охларисан,
Сайд Аҳмад боғларисан,
Озодлар-у Зулфиялар -
Ишонган тил - Она тилим!

"Кечир" дея Мұхаммадинг,
Булбул бўлиб Абдулланг ҳам.
Нотик бўлиб Эркинларинг -
Ёнган тилим - Она тилим!

Ошиқ бўлиб топдим сени,
Онагинам алласидан!
Кўйлай, тўлсин соғинчларим-
Бахтиёрлар ўлкасига!

Она тилим, Она тилим!
Мадина Бахшиллоева,
**Ромитан тумани 23-ИДУМ она тили
ва адабиёт фани ўқитувчиси.**

Қайси каналга олманг, барчасида бўлмағур севги-муҳабат можароси каби мағзава сериаллар...

МАҒЗАВА ФИЛЬМЛАРДАН НЕ НАФ?



-Йиғиштир мультфильмингни,
"Севимли"га ол. "Гунеш қизлари"ни
бошлади.

-Э-е, бироз шошманг, ойи. Қизик
ерига келди.

-Хали гапимни икки қиласидиган
бўлдингми, ер юткур. Буёқка
кел, ёнимга кел, дедим сенга.
Тилингни калта қилиб кўйяй. Бор,
китобларингни ўқи. Мультфильмдан
фойда йўқ.

Ана насиҳат-у, мана "ибрат".
Айрим ота-оналарга қойил қоламанда! Мультфильмдан фойда йўғ-у,
онгни зарарни мафкуралар билан
заҳарлайдиган сони кўп бирок,
салмоғи йўқ фильмлардан наф бор
экан. Эҳ, сиз оила устунлари, "куш
уясиди кўрганини қиласи"ку, ахир.
Кўпчилик бу мақолнинг мағзини
тантиқ қилиб ўстирган фарзанди
вояга етгач, бошига бир мусибат
олиб келгандагина чақади. Кейин
эса "мен қаерида хато қилдимки,
фарзандим бунчалар бемехр бўлиб
кетди", - деб ўзларини ўқقا-чўқقا
уришади.

Энди эса ҳозирги кунда биз
мириқиб томоша қиласидиган
фильмларнинг савиасига
тўхтадиган бўлсан, юкоридаги
диалогни ҳам бежизга келтирамадим.
Бутун бошли Б.кўчаси ҳар доим
гувоҳ бўладиган манзара. Бу уйда
шу битта мавзу устида кунда favо.



Бунақа инсонларга қўшни бўлгандан
кўра, тўғриси, биёбонга бориб яшаш
маъқулроқ, дейман гоҳида ўзимга
ўзим. Маҳалла томондан ҳам бир
неча бор огоҳлантариш берилди.
Фойдасиз. "Нима деялсан?!" -
дайишмайди-я?

Қизик, ҳозирги сериаллар бизга
нима беряпти?! Пайти келгандা,
ака-уканинг оёғидан чалишиними?
Ё бўлмаса, "замонавийлик" ортида
яширинган беҳаёликними? Бизда
кўпинча турк кинолари эфирга
узатилипти. Уларнинг замирида
на меҳр-оқибат, ва на маданият
тушунчаси бор. Қайси каналга
олманг, барчасида бўлмағур севги-
муҳабат можароси каби мағзава
фильмлар. "Бемаза қовуннинг уруғи
кўп бўлади" дейишлари шундан
бўлса керак-да!

Шу каби сериалларга ногаҳон
кўзим тушиб, ўзимизнинг кўпчилик
"Хўжакўрсинг"га кино оладиган
базъи сценаристларимиз,
режиссёrlаримиздан ҳам жуда
хафта бўламан. Турклар ўзларининг

"Мухташам юз йил" и билан
дунёга донг таратган бир паллада
биз қайнотанинг келинига сукланиб
қараши, ер-хотин ўртасидаги турли
муаммоларни саҳналаштирасак. Бу

ҳаддан ортиқ лоқайдлик эмасми?

Адабиётимизнинг "Шум бола",
"Ўткан кунлар", "Мехробдан чаён"
каби ноёб дурданалари йилига
бор йўғи, иккى марта эфирга
узатилилади. Масалан, биз оиласиз
 билан буларни ўзгача бир ҳавас,
қизиқиш билан томоша қиласиз.
Орада бувим: шунақа фильмлар
жуда камёб бўлди-да. "Кўриб ёшлик
даврларим ёдимга тушиб кетади",
дидилар.

Келинг, менталитетимизга мос
бўлган маънавий жиҳатдан юксак
дидли асарларни саҳналаштирайлик.
Зоро, бу буюк келажак учун
мустаҳкам пойdevor вазифасини
ўтаса, ажабмас!

**Мұхайдә ШОЙИМОВА,
Вобкент туманидаги
20-умумий ўрта таълим
мактабининг 9-синф ўқувчиси.**

ҚАЧОН ЭРТАК АЙТИБ БЕРАСИЗ, ОЙИ?

Бугун ҳаётимизда ишхона ва иш шунингдек, қандай
бўлмасин пул ишлаб топиш биринчи ўринга чиқиб
олди. Эрталаб ўйғониб, шошилганча чала-чулпа,
овқатланиб-овқатланмай, ишга отланамиз.

Чунки ижтимоий тармоқлардаги
янгиликлар билан бугун унчалик
кўп танишишга улгуролмадик.
Биз учун асосий вазифа
болаларимизни истаган нарсасини
муҳайё қилиб, устини бут
қўлишдан иборатдек гўё. Бугун
уларнинг тарбияси ота-оналар
учун кейинги даражага тушиб
қолгани ачинарли ҳол. Ҳар куни
фарзандлари билан хеч бўлмаса,
бир соат шуғулланишга вақт
тополмайтган оналар гўзаллик
салонида соатлаб тирноқларига
оро беришга вақт топишиди.

- Қачон эртак айтib берасиз
ойи? - деб ҳар кечаси уларнинг
келишларини сабрсиз кутган бу
норасидаларнинг айби нимада?
Наҳотки, уларни эртаклар
тинглашга болалик гаштини
суринга ҳақлари бўлмаса.
Биз бугун билиб- билмасдан

уларнинг беғубор болалигини
тортиб олмаямизми? Тўғри,
улар боғчада кўп нарсаларни
ўрганишмоқда. Чунки биз бу учун
уларга ҳар ой яхшигина пул
тўлаймиз. Бир ўйлаб кўрайли-чи,
бу дунёда ота-она меҳрини ҳам
пулга сотиб олишнинг имкони
борми? Ер юзида ҳозир тирноққа
зор инсонлар минглаб топилади.
Аммо биз бугун уларга бир эртак
айтиб беришга вақт тополмаймиз.
Кўзимизнинг кувончи бўлган
фарзандларимизнинг келажагига
бефарқ бўлмайлик! Улар,
нафакат, бизнинг, қолаверса,
келажакнинг ҳам эгаларидирлар.

**Феруза Баротова, Бухоро
муҳандислик технология
институти ёшлар билан
ишлаш, маънавият ва
маърифат бўлими услубчиси.**



Ота-она дуосини сиз олиб юринг!

Ота – она дуоси олтиндан қиммат,
Меҳрларин сира қилишмас миннат.
Уларга кўрсатинг, сиз олий хурмат,
Ота-она дуосини сиз олиб юринг!

Фарзандлар хурматин кўрай, десангиз,
Улар ардоғида юрай, десангиз,
Қариллик гаштини сурай, десангиз,
Ота-она дуосини сиз олиб қўйинг!

Менинг ҳам омадим келсин, десангиз,
Ҳаётда ўз ўрним бўлсин, десангиз,
Қувончларга кўнглим тўлсин, десангиз,
Ота-она дуосини сиз олиб қўйинг!

Бирордан алсо кам бўлмай, десангиз,
Хаста ҳолу мулзам бўлмай, десангиз,
Бевақт кўзларда нам бўлмай, десангиз,
Ота-она дуосини сиз олиб қўйинг!

**Бахтиёр Жабборов,
БухДУ биология фани ўқитувчиси.**



Ишдан чарчаб, уйга зўрға
қайтганимизда, фарзандимизнинг
эркаликлари бизга ортиқчадек
туюлади. Болаларимиз билан
шуғулланишга, уларга эртак айтib
беришга "умуман вақтимиз йўқ".

Бугун +

Ақл ақлдан, илмли илмидан қувват олади

ЭРТА КЕКСАЙГАН БОЛАЛИК

Үн уч ёшларда эдим. Ўрта мактабга борардим. Отамнинг вафотига икки йил бўлганди. Қашшоқлашиб қолгандик. Онам тикувчилик қиласди, аранг кунимизни кўрардик. Катта уйнинг икки хонасида ўтирадик. Китобларим етарли эмас эди. Мактаб портфелим ҳам йўқ эди ҳатто.

Ҳайит куни эди. Онам амал-такал қилиб менга бир пойбазал олди. Шим ва кўйлак тикиди. Эрталаб барвақт уйғониб, кийиндим. Бир кун олдиндан келишгандик, икки ўртогим уйимиздан мени чакириб олишарди, бирга ҳайит сайдлохига бормоқчи эдик. Отли аргимчоқларга, ижара велосипедларга миниб сайд қўламиз, дегандик. Пахта қандидан ширинлик олиб емоқчи эдик. Кинога ҳам тушадиган эдик. Онамдан пул сўрадим.


- Пулимиз йўқ, болажоним, - деди онам хижолат чекиб.

Харҳаша қила бошладим. Ўртоқларим ҳам ҳали замон чакириб келишарди. Уларга нима дердим? Пулимиз йўқлиги учун сайдла боролмаслигимни қандай айтардим? Аламдан устидагиларни чиқариб деворга қаратиб ота бошладим.

Фамгин нигоҳларини менга тикиб, узоқ термулиб ўтириди. Жавондан сумкасини олиб, пул қидирди. Излаб-излаб бир лира тополди. Бояқиши онамнинг фақатгина бир лираси қолганди, бор-йўқ пули шу эди. Бисотидаги бир лирани менга узатди.

- Қани, кийина қолгин, болам, бир лира етадими? У кезларда бир лира катта пул эди. Тўрт тарафга ирғитган кийимларим ва пойабзалимни олдим. Яна кийиндим. Пулни чўнтағимга қўйиб, ўртоқларимни кута бошладим. Ниҳоят, келишиди. Бироз ўтиришиди. Онам уларга қанд бердилар, икковини ҳам бошини силади.

- Энди бора қолинглар, мазза қилиб ўйнаб-кулинглар, - деб бизни кузатиб қўйди. Кўчага чиқдик. Жуда хурсанд эдим, қўвончдан юрагим ҳаприқиб кетаётганди.



Бурилишдан катта кўчага қайрилаётганда, уйимиз томонга кўзим тушди. Онам балкондан оёқ учида туриб, менга кулимираб кўл силтаётганди. Бирданига ичимдан бўғиқ ўқирик келиб, томогим ачишид. Кўзларимга

ёш тўлди. Бўғиilib қолдим. Йиғлаганимни билдириласликка уриниб, ўртоқларимга "Мен бормайман" дедим. Сабабини тушунишмади.

Бир ўртогим:

- Пулинг йўқлиги учун келмайсан!-деди масхараомуз.

Чўнтағимдан бир лирани чиқариб кўрсатдим:

- Ана, пулим бор! Ўша ерда мени қолдириб кетишиди. Кўчаларда сарсари кездим. Хеч кимга билдириласдан, тўйиб-тўйиб ийғладим. Кўз ёшларимни силдим, қўлимдан келгунича қувноқ кўринишга уриниб, уйга қайтдим. Онам:

- Нега қайтдинг?- деди сўради.

"Боргим келмади" дедим ва чўнтағимдан бир лирани чиқариб, онамга узатдим. Онагинам ҳайрон бўлди. Пулни қўлимдан олиб, стол устига қўйди. Сўнг мени кучиб, кўксига босди. Хўнграб-хўнграб йиғлай бошлади. Мен энди ийғламасдим. Ташқарида тўйиб-тўйиб ийғлаб олганди. Онамнинг юзларидан ўпдим. Кўз ёш тўқмаслигини айтдим. Индамади. Узок ўйга толди. Мен энди фамгин эмасдим. Сайдлохига боролмаслик, мендай кап-кatta болага, ўрта мактаб ўқувчисига ярашмасди. Бирданига улғайиб қолгандим.

**Мелиҳ Жавдат Андай
Таржимон: Умид Адизова**

Ўзбекистон шаҳарларида автоматик почтаматлар ўрнатилиши мумкин



"Хозир кўп қаватли уйларда почта қутиси ҳам йўқ. Куръер 9-қаватгача чиқади, уйда ҳеч ким бўлмаса, қайтиб кетади. Газетани эшик тагига қўйиб кетса, бирор олиб кетиб қолади. Шу сабаб почтамат ўрнатилиди", - деди

"Ўзбекистон почтаси" АЖ бosh директори Алишер Файзулаевга кўра, Почтамат курилмасининг почта қутисидан фарқи – у факат маҳсус парол билангина очилади.

Ўтмиши афсонага, бугуни харобага айланган Яманда дарслар бошланди



Суратда: Яманда бехавотир, деб топилган маскандаги илк сабоқ. (Яман)

Ачитки

КЕЛАЖАГИ ПУЛГА АЛМАШГАН БОЛАЛАР

Биз яхши миллат бўлмадик.
Биз яхши ҳалқ бўлмадик...
Ўз фарзандларига меҳрибон бўлмаган, ўз келажаги хақида қайғурмаган миллат яхши миллат эмас.
Биз ҳамма нарсани пулга чақамиз, пул деса ўзимизни томдан ташлаймиз. 10 йил, 20 йил, 50 йилдан кейин аҳволимиз нима бўлишини, фарзандларимиз қандай ва ким бўлишини ўйламаймиз.

Дунёдаги кўпгина мамлакатлар маорифини, болалари тақдирини, фарзандлари соғлигини биринчи ўринга қўйишиди. Фарзандларининг ривожланиши, илм олиши, соғлиги ҳақида қайғуришиди. Бизда-чи!

Мактабларда ўқувчилар учун текин овқатлар, текин спорт секциялари, текин тўғараклар ташкил қилишган. Мактабдан сўнг ўқувчиларни экспкурсияларга, музей, театрларга олиб боришиди. Болаларнинг ҳар томонлама ривожланишлари учун барча шароитларни яратишиди, фарзандларининг соғлом, ақлли, маданиятли, имлми бўлиши учун давлат бюджетидан алоҳида маблағлар ажратишиди. Негаки, эртага давлатнинг, миллатнинг, ҳалқнинг келажагини шу болалар белгилайди.

Бизнинг эса бу борада мақтангулик ишларимиз, афсуски, бармоқ билан санаарли. Бизга пул керак! Хозир, шу тобда! Жиғилномизни тўлдириб олайлик, келажак бир гап бўлар! Шу кунларда ўқитувчилар



болаларга телефон қилиб, китоб ижараси пулини сўрашяпти: 45 минг сўм экан.

Биз тўғараклар, шаҳарлардаги спорт секцияларида шунча шуғулланиб, бир тийин ҳам тўламаган эканмиз! Автобус ҳайдовчилари ҳам ўқувчи болалардан йўл ҳаққи сўрашмас эди...

Хозирги мактаб ёшидаги болаларни кўп кузатаман, кўзларига қарайман. Қандайдир маҳзунлик, жиддийлик, ташвишни кўраман бу кўзларда. Боланинг кўзларига ўҳшамайди бу кўзлар... Бизнинг авлод бу ёшда бошқача эди! Кўзларимиз кулиб, чакнаб турарди! Дунёга завқланиб қарадик! Ўйнаб-кулиб, шўх-шодон юардик. Сакрагимиз, юргумиз,

шўхлик қилгимиз келарди. Тўлиб-тошиб юардик!

Хозирги болаларда у нарсалардан асар ҳам йўқ... Нега?! Чунки болалар ҳаммасини билишиди, ҳаммасини тушунишади. Ҳеч қачон космонавт бўлолмаслигини ҳам, океанлар тубини ўрганувчи Кустодек олим бўлолмаслигини ҳам, касалликларга даво ўйлаб топувчи аллома врачи бўлолмаслигини, китоблари минглаб тиражларда чоп этилувчи ёзувчи ҳам, шоир ҳам бўлолмаслигини, қуруқ маошга ҳаминқадар зўрға рўзгор төбратувчи ота-онасининг имконияти билан уларнинг орзулари ҳеч қачон амалга ошмаслигини ҳам жуда яхши билишиди.

Спорт секциясида энг олди бўлишига қарамай, кўшимча машгулот учун мураббийга пул беролмаслиги, бошқа шаҳарга мусобақага бориши учун отаси 300\$ топиб беролмаслигини ҳам яхши тушунишади. Унинг ўрнида, гарчи ютуққа эриша олмаса-да, ўзига доимо ютказиб юрадиган бойваччининг ўғли иштирок этиб қайтишига ҳам ақллари етади. Кўпчилик болаларни Олий ўқув юртларига кириш орзулари ҳам йўқ. Репетиторга бериш учун пул рўзфордан ортмайди, мабодо, ўқишига кириб қолса ҳам контракт тўловига пул йўқ!

Кечиринглар, бизни, азиз фарзандларимиз, сизларнинг болалигингизни, порлок келажагингизни биз пулга алмашдик...

Шораҳмат Қурбонов

“Ҳалигача ёзганларим қайси босма нашрда чиқса, худди илк шеъри ёритилган ёш боладек хурсанд бўламан”

Ёднома

МЕН ҲАМ ОДДИЙ ШОИР, ОДДИЙ ЖУРНАЛИСТМАН!”

Устоз шоир, Ўзбекистон Журналистлари ижодий уюшмаси раиси Саъдулла Ҳакимни “Маърифат” газетаси Баш мұхаррiri лавозимида ишлаб юрган кезларида яқиндан таниғанман. Тўғрироғи, “Универсиада-2013” спорт мусобақалари матбуот гурухи раҳбари сифатида Бухорога келган эди. Биз ҳам шу гуруҳ атрофида бирлашгандик.



Уч кун давомида саҳар кўз очмасдан матбуот штабига устоздан илгарироқ етиб келишга уринсанқ-да, барибир, эпломасдик. “Хечқиси йўқ, хижолат чекманг, мана бу ширинликлар билан нонушта қилиб олсангиз, кун давомида аъло кайфият билан ишлайсиз!” - дердилар бизни баттар хижолатга қўйиб.

“Универсиада-2013” спорт мусобақалари матбуот гурухида жараён тонги соат 06:00 дан кечки 24:00гача давом этарди. Кун давомида тури спорт ўйингоҳларига қатнаш, спортчилар билан интервьюлар тайёрлаш, камида ҳар 20-30 даққида сайт хабарларини янгилаб туриш

Бош мұхаррир ўзи билмаган ҳолда кўп давраларда “гап-сўз”, “ғийбат”лар бўлаётганидан тортиб, кўпчилик ҳамкасларнинг Журналистлар ижодий уюшмасидан нега норози бўлганинча босиқлик билан изоҳлаб берарди.

толиқтиради. Ўзимизда чарчоқни ҳис қиласадик. Бироқ, ҳар манзилда биз билан бирга бўлган Саъдулла Ҳаким эса худди тонгдагидек сергак ва файратли турарди. Шунда ҳам “Хечқиси йўқ, ҳали эҳ-хе-е-е, соҳада “пишиб” кетасизлар, чарчоқ нималигини унутасизлар”, - дерди

Самимий, дилкаш ҳамда мутойибага бой бу инсон бир неча кун давомида кенг давраларимизга кайфият улашди. Қай бир сұхбатдош билан сўзлашса, унинг илҳомига яраша жўшарди.

Орадан йиллар ўтса-да, устоз билан “узилишиб” қолмадик. Ҳар тал пойтахтга борганимда, албатта, уюшмага йўқлаб борардим.

“Buxoro yoshlari” ва “Buxoro kitob olami” газеталарида устознинг асарлари ёритилган сонларини олиб борганимда, уларни вароқлаб, яшнаб кетарди.

“Ҳалигача ёзганларим қайси босма нашрда чиқса, худди илк шеъри ёритилган ёш боладек хурсанд бўламан”, - дерди С. Ҳаким.

Сұхбат орасида нега уюшма ўрни тушиб кетаётгани, унинг журналистлар учун хеч қандай аҳамият касб этмәтгани тўғрисида ҳам нолиб кўярдим. “Айниқса, бизнинг вилоят учун бундай уюшманинг кераги ҳам қолмаган”ини айтганимда, “шартакилим”дан ранжимасди, мийигида кулиб кўярдим.

Бош мұхаррир ўзи билмаган ҳолда кўп давраларда “гап-сўз”, “ғийбат”лар бўлаётганидан тортиб, кўпчилик ҳамкасларнинг Журналистлар ижодий уюшмасидан нега норози бўлганинча босиқлик билан изоҳлаб берарди.

“Хуллас, уюшма ишини мухокама қилишгамас, сизни кўргани келдим”, - дерганимда чехраси янада очиларди. “Республика Журналистлар ижодий уюшмаси раиси” сифатида ҳеч қачон биз вилоят журналистлари билан ўртада “субардинация” сақламаган. “Мансаб, лавозим ўткинчни, мен ҳам оддий шоир, оддий журналистман!” - дерди мийигида кулиб.

Бугун эса ёзишмалар орқали битилган сўзлари, пандларини такрор-такрор ўқийман. Турли байрамлардаги табрик сўзлари, дам танбеҳли ётиrozларию, дам мушоҳадага чорловчи муносабатларини қайта-қайта ўқийман.

Бу инсон энди орамизда йўқ. Лекин ижоди, самимияти ҳамиша биз билан!

Лайло ҲАЙТОВА

Кун оғриғи

ЎЧМА, ОҚИБАТ!



Иш юзасидан дўстимнинг идораси йўлидан ўтишимга тўғри келиб қолди. Ҳайтовур, бир қур сұхбатлашгим келди. “Ҳарқалай, дўстимни босиб ўтмай...” - дедим.

Эшигидан бағир очиб кирдим. Ҳали сўрашиб ҳам улгур-мaganдик, дўстим: “Э-э, шу одамлардан ҳам чарчаркансан, киши. Ҳозир айни касаллик авж олган палла. Сас-сўрқ кириб келаверишади. Буёига эшикни ичкаридан ёлиб ишлаймиз, шекилли...” - деди.

Уч дақиқа дўстимнинг дийдорига тўйдимми-йўқми, билмадим: ўзимин хуш-бехуш сездим. Дўстимнинг: “Яна ўзингга олма, мен сени назарда тутмагандим” - деган сўзлари қулоғимга эшигилиб-эшигилмади.

Коронавирусга лаънат. Одамлар ўртасидан оқибатниям ўчирапти. Нимаям дердим?!

Коронавирус ўтиб кетгучи, кўнгил эса қолгувчи! Кўнгилни асранг, оқибат йўлдошингиз бўлсин!

Сагнурा

Эълон: эътибордан соқит қилинади

Бухоро Юридик ва майший хизмат касб-хунар коллеги томонидан 20.06.2015 йилда Бахромов Мирсаид Шухратович номига “Компьютер ва компьютер тизимларини созлаш ва таъмишлар” мутахассислиги бўйича №675- рўйхатга олиш рақами орқали берилган К№3688181-оддий бланкали диплом йўқолгани боис, эътибордан соқит қилинади.

МУАССИС:
ЎЗБЕКИСТОН ЁШЛАР
ИТТИФОҚИ БУХОРО ВИЛОЯТИ
КЕНГАШИ

БОШ МУҲАРРИР:
Лайло ҲАЙТОВА

Газета Бухоро вилояти Матбуот ва ахборот бошкармаси томонидан
2017 йил 15 декабрда 05-081 тартиб рақами билан рўйхатта олинган.

ТАҲРИР ҲАЙЬАТИ:
Шерзод ТИЛАВОВ
Жамол НОСИРОВ
Миролим ҲАМОРОЕВ
Гулнора САМИЕВА
Иҳтиёр ЗИЁДУЛЛАЕВ
Ҳамза РЎЗИЕВ
Шерзод АШУРОВ
Суҳроб НУРОВ

ТАҲРИРИЯТ МАНЗИЛИ:
Бухоро шаҳри, Алишер Навоий
кўчаси, 20-үй.
Телефон: (0365)770-00-56

ТАҲРИРИЯТ ХИСОБ-РАҚАМИ:
20210000404114165001 “Агробанк”
Бухоро шаҳар филиали, МФО:
00089, ОКОНХ: 87100, СТИР: 203590296
Нашр кўрсаткичи: 3051

**САҲИФАЛОВЧИ
ДИЗАЙНЕР:**
Хуршид АБДУЛЛАЕВ
ISSN 2181-6557



Газета “Buxoro bosmaxonasi” МЧЖда
1097 нусхада босилди.

Босмахона манзили:
Бухоро шаҳри, И. Мўминов кўчаси, 27-й
Тел: (0365)223-25-38

Навбатчи: Раҳима Атоева

Ҳажми 2 босма тобоқ. Қоғоз бичими А-3. -буортма.
Топширилди — 10:00. Чоп этиш вақти: 11:00
Баҳоси келишилган нарҳда 29.10.2020 йил
www.buxoro-yoshlari.uz сайти орқали билан бирга бўлинг.



**Ўзбекистон
журналистлари уюшмаси
раиси Саъдулла Ҳаким
оламдан ўтди**

Саъдулла Ҳаким 1951 йил 25 марта
Жиззах вилояти Фориш туманида туғилган.
Ўзбекистонда хизмат кўрсатган маданият
ходими (2002). ТошДунинг журналистика
факультетини туттаган .

Ижодкор “Саховат” журналида,
“Ўзбекистон адабиёти ва санъати”,
“Ўзбекистон овози” газеталарида адабиёт
ва санъат бўйими мудири, масъул котиб,
“Маърифат” газетасида бош мұхаррир (1992-
1996), Ўзбекистон Республикаси Президенти
девонида Ахборот тарбибот-таҳлил
марказининг раҳбари, “Ўзбекистон адабиёти
ва санъати” газетасининг бош мұхаррiri
бўлиб ишлаган.

“Ҳамал тонглари” (1981), “Сен кутган
баҳор” (1986), “Ёз оқшоми” (1996), “Она сўз”
(2000), “Сайланма” (2001), “Кўнгил юзи”
(2006), “Кўхна нақл” (2011) каби ўндан ортиқ
шеърий тўпламлари нашр этилган.

КОРОНАВИРУС

Бирлашган миллатлар ташкилотидан,
Шошқин хабар учар, пандемия, деб.
Менинг эса тунлар ўчади уйқум,
Инсон тафаккури панд еди-я, деб.

Эй ақ!, ҳаволаб юрганинг етар,
Танантга фикр қил, не бу ҳол қалтис?
Наҳот инсон оҳи фалакни тутар,
Наҳотки ҳақ бўлса руҳоний Мальтус?

Ҳадик ила боқар одамга одам,
Қўй бериб кўришмас, юзида ниқоб.
Кимлардир изини ниқоблаб олган,
Бошқа бирорининг сўзида ниқоб.

Эмлашнинг имкони йўқ эмиш ҳали,
Дунё мұхтож эмиш битта дорига.
Аслида чорасиз қолган маҳали,
Фақат меҳр ярар бемор корига.

Ҳар неки малҳамдир, бир йўзи билар,
Булутларга боқиб ўйга толаман:
Исириқ тутатиб турғандай бўлар,
Кўёшли чўғ қилиб, Яратган Эгам.

Зулмат қочганидай кун ёргуғандан,
Элдан дард кетгуси бирлашса улус.
Асрасин ёмонлар ёмонлигидан,
Мехру-оқибатга тушмасин вирус!

Саъдулла Ҳаким